


# 86 წელი თქვენთან ერთად!

86 წლის წინ, 1933 წლის 2 აპრილს გამოვიდა გაზეთების „თერჯოლის“, „წინსვლის“ და „საკოლმეურნეო სოფლის“ წინამორბედის, გაზეთ „ჩხარის კოლმეურნის“ პირველი ნომერი. გამოცემის 87-ე წელი.



„არს მთის კალთას, სკანდას, სასახლე მეცხეთა და ციხე დიდი, დიდშენი“  
ვახუშტი ბაგრატიონი

# თერჯოლა

საზოგადოებრივი გაზეთი • გამოდის 1933 წლიდან • №5 {7010} 2 მარტი 2020 წელი • www.Terjola.gov.ge



## გაზაფხული, დედის დღე და 8 მარტი ერთად მოგვილოცია!

ქალთა დიდებისა ვთქვათ...  
მინიატურა

სურდა თუ არ სურდა, ეს ზამთარიც დასრულდა. მარტმა მაცდურად გაგვილიმა და მოგვეხალისა. საფიქრალიც გაგვიჩინა დღეისა და ხვალისა. ია-ი-აც გამოჩნდა, მზერაც შემოგვაპარა, ფურუსულაც მოსულა, ყოჩივარდაც აპა, რა!..  
აგერ, სამი მარტი, ჯერაც გაუშლელი ვარდი, დედობის დღე, დედის დარიდი... რვა მარტიც კარზეა, საუბარი რაზეა,

გაზაფხული ზეიმობს დედა, რა ლამაზია!.. ქალთა დიდებისა ვთქვათ. მაღლი დავლოცოთ დედობისა. იყოს ზეობა მათი. უნარი ჭირთა თმენისა. ვუსურვოთ შვილთა მრავლობა და ბედნიერი შთამომავლობა, ბევრი ვახტანგი ეშვათ, დავითი, გიორგი, ვაჟა, სალომე, მარიამი, თამარი, დედის იმედი აჩუქონ დედასამშობლოს...  
ქალი მარტო სიცოცხლის სა-

წყისი როდია—ის სიცოცხლის გამგრძელებელიცაა. ვადიდოთ ქართველის დედა! არსად, მსოფლიოს არც ერთ ქვეყანაში ქალს არ ჰქვია დედისმედი. ეს ქართული სახელია მრავლისმთქმელი და მეტყველი. საქართველოში ქალის კულტი განსხვავებულია. ქალის კდემამოსილება ზეღმართულ ხმაღს ქარქაშში ჩააგებინებს მტარვალს, ასე უთქვამთ და ასეც არის!

## „ხალხთან ახლოს, ხალხის სამსახურში“...

სამადლობელი სიტყვით დაიწყო 17 თებერვლის გაფართოებული თათბირი მუნიციპალიტეტის მერმა, ბატონმა ბონდო სოფრომაძემ—საზოგადოებრივი ჯანდაცვის სამსახურის უფროსს თამარ არჯევანიძეს და რუფოთის საექიმო ამბულატორიის ექიმს ნინო ამაშუკელს, დაავადებათა კონტროლისა და საზოგადოებრივი ჯანდაცვის ეროვნული ცენტრის მიერ მადლობის სიგელების და სამახსოვრო საჩუქრების გადაცემა მიულოცა (დანვრილებით „სიგელი და სამახსოვრო საჩუქარი“ გვ.2).



### აღინიშნა ოკუპაციის დღე

25 თებერვალი საბჭოთა ოკუპაციის დღეა. 1921 წლის 25 თებერვალს რუსეთის წითელმა არმიამ თბილისი აიღო და საქართველოს დემოკრატიული რესპუბლიკის ანექსია განახორციელა.



ამ დღეს საქართველოს მთელს ტერიტორიაზე სახელმწიფო დროშები ეშვება. დროშები დაეშვა თერჯოლის მუნიციპალიტეტის საკრებულოსა და მერიის ადმინისტრაციულ შენობებზე, გმირთა მემორიალთან.

ქალაქ თერჯოლაში, გმირთა მემორიალთან საქართველოს დამოუკიდებლობისათვის ბრძოლაში დაღუპულთა სულების მოსახსენიებელი პარაკლისი მეუფე გიორგი შალამბერიძემ და მამა იოანემ გადაიხადეს.

მემორიალი თერჯოლის მუნიციპალიტეტის საკრებულოს თავმჯდომარემ ნინო ჯანელიძემ, მერის პირველმა მოადგილემ მანუჩარ ფანჩულიძემ, საკრებულოს დეპუტატებთან და მუნიციპალიტეტის სხვა ხელმძღვანელ პირებთან ერთად გვირგვინით შეამკეს.

### თერჯოლის მუნიციპალიტეტის საკრებულოში

2

## კორონავირუსი გლობალური საფრთხე!



### კორონავირუსი საქართველოშიც შემოვიდა!

2,3

# კორონავირუსი საქართველოშიც შემოვიდა!

**1** მას შემდეგ, რაც საქართველოში კორონავირუსი COVID-19-ით დაინფიცირების შემთხვევები დაფიქსირდა, ხელისუფლებამ პრევენციული ზომების გააქტიურება დაიწყო. ამ დღეებში, იმერეთში სახელმწიფო რწმუნებულმა, ზვიად შალამბერიძემ რეგიონში, COVID-19-თან დაკავშირებით საკოორდინაციო სამუშაო ჯგუფთან შეხვედრა გამართა. შეხვედრაზე იმერეთის რეგიონში ამ კუთხით არსებული ვითარება და პრევენციული ზომები განიხილეს. შეხვედრაში მონაწილეობას ღებულობდნენ თერჯოლის მუნიციპალიტეტის მერი ბონდო სოფრომაძე, საკრებულოს თავმჯდომარე ნინო ჯანელიძე.

როგორც ცნობილია, რეგიონში არსებობს საკარანტინო სივრცეები და არსებული სიტუაციის შესახებ ამომწურავი ინფორმაციის მიღება კოორდინირებულად ხდება.

სახელმწიფო რწმუნებულმა ზვიად შალამბერიძემ ყველა უწყების წარმომადგენლისგან დეტალური ინფორმაცია მიიღო. დაავადებათა კონტროლისა და საზოგადოებრივი ჯანმრთელობის ეროვნული ცენტრის იმერეთის სამმართველოს უფროსმა გონა გიორგიძემ შეხვედრაზე როგორც რეგიონის მასშტაბით, ასევე საკარანტინო ზონებში არსებული მდგომარეობის შესახებ ისაუბრა.

საკოორდინაციო სამუშაო ჯგუფის წევრებმა დღევანდელ შეხვედრაზე კონკრეტული დავალებები მიიღეს, მათ შორის, საქართველოს ჯანდაცვის სამინისტროს რეკომენდაციების შესაბამისად რეგიონის მასშტაბით სკოლებისა და სკოლამდელი დაწესებულებების, ასევე საზოგადოებრივი ტრანსპორტის სადგინოებზეც სამუშაოების განხორციელების შესახებ.

სპეცეპიდზე დამხედველობის

და დეზინფექციის სამსახურის უფროსის რუსუდან ხაჭაპურიძის განცხადებით, სადგინოებზეც ჩატარდება და ყველა აუცილებელ ლოკაციას მოიცავს.

ამასთან, შეხვედრაზე გაცხადდა, რომ სამთავრობო უწყებათაშორის საკოორდინაციო საბჭოს რეკომენდაციის საფუძველზე იმერეთის რეგიონში გაუქმდება 3 და 8 მარტს დაგეგმილი ხალხმრავალი ღონისძიებები საზოგადოებრივი თავშესაფრის ადგილებში.

პრემიერ-მინისტრის ხელმძღვანელობით შექმნილი საკოორდინაციო საბჭოს ფარგლებში უკვე ამოქმედებულია საკოორდინაციო სამუშაო ჯგუფები მხარის რწმუნებულების ხელმძღვანელობით. სამუშაო ჯგუფებს კოორდინაციის რეგიონული განვითარებისა და ინფრასტრუქტურის სამინისტროს და საქართველოს პრემიერ-მინისტრის მრჩეველი რეგიონალურ საკითხებში სოზარ სუბარი უწევს.



# „ხალხთან ახლოს, ხალხის სამსახურში“ ...

**1** მერე თანდათან გაამკაცრა საუბრის ტონი და უკმაყოფილება გამოხატა იმის გამო, რომ მოსახლეობაში ვარკვეული ვულნერაბლობა ისეთი საკითხების მიმართაც კი, რომელთა მოგვარება შესაძლებელი იყო. „მე წარმოვადგენ ცენტრალური ხელისუფლების სახეს მუნიციპალიტეტში, თქვენ, ჩემი წარმომადგენლები სოფლებში—ჩემს სახეს; ვერ შევეგუები უწესრიგობას, ლალატს, საქმისადმი არასაიმედო, ნეგატიურ განწყობას; სანამ ერთად ვართ, ერთად უნდა ვიყოთ, საქმე ერთგულად და სიყვარულით ვაკეთოთ; შეისწავლეთ მოსახლეობის მატერიალურ-საყოფაცხოვრებო პირობები, არის იმის შესაძლებლობა, რომ დავებმართოთ იმით, ვისაც ნამდვილად ჭირდება; ყველაფერს ვერ მოვავარებთ, მაგრამ ნაწილობრივ ხომ მაინც შევემუხუბებთ ტვირთს“— განაცხადა მუნიციპალიტეტის მერმა.

თათბირზე მოკლე ინფორმაციით გამოვიდნენ სოფლებში მერის წარმომადგენლები. მათ დასვეს საქმიანი წინადადებები, ითხოვეს დახმარება ზოგიერთ მოსაგვარებელ საკითხთა გამო, რომელთა ერთ ნაწილს რეაგირება იქვე მოჰყვა, ნაწილზე დავალებები მიეცა შესაბამისი სამსახურების ხელმძღვანელებს, მერის მოადგილეებს, მათვე დაევალოთ მეტი კონტროლის დაწესება თანამშრომლებზე. იყო საკითხები, რომელთა გადაწყვეტა, როგორც მერმა თქვა „ერთად გავლას“ ითხოვდა. მისივე თქმით, სოფლის მხარდაჭერის პროგრამის ფარგლებში დასახლებებში განსახორციელებელი პროექტების შესასრულებლად სამუშაოები მალე დაიწყება.

## „მთლიანად განახლებული თერჯოლა“ ...

დაგეგმილია მრავალი ფართომასშტაბიანი ინფრასტრუქტურული პროექტების განხორციელება: მუნიციპალიტეტის ცენტრის კეთილმოწყობა, იუსტიციის სახლისა და ახალგაზრდული ცენტრის მშენებლობა, თერჯოლა-ტყეხულის გზის რეაბილიტაცია და სხვა... ითქვა ისიც, რომ სტიქიით დაზარალებული ოჯახების დასახმარებლად თანხები ყველა სოფელში გამოიყოფა, მანამდე კი შეიძლება ზოგიერთი ოჯახის ქირით გაყვანა.

ყურადღება გამახვილდა ახალი სასაფლაოების

მოსაწყობად მიწების მოძიების, რამდენიმე საბავშვო ბაღის ეზოს შემოღობვის, წყალმომარაგებასთან დაკავშირებულ საკითხებზე. ითქვა კვანჭირში ე.წ. ფერის მეთრე ქარხნის მშენებლობაზე და იმაზედაც, რამდენად ნაადგება იგი მუნიციპალიტეტს და მის მოსახლეობას. მიღებულ იქნება საჭირო ზომები, რათა განსაკუთრებული ზრუნვის ობიექტი გახდეს ენერგომომარაგება, ბოძების და ელექტროგადამცემი ხაზების შეცვლის საკითხი.

მიმდინარე და მომავალ წლებში დიდი თანხები დაიხარჯება ქვეყნის და მუნიციპალიტეტის ახალ ინფრასტრუქტურულ პროექტებში. მარტის შუა რიცხვებიდან მუნიციპალიტეტის ყველა სოფელში ხალხს შეხვედრა სამინისტროების და გუბერნიების პასუხისმგებელი მუშაკები. ეს შეხვედრები მიეძღვნება მუნიციპალიტეტის, თითოეული სოფლის, თითოეული ადამიანის მოთხოვნებისა და საჭიროებების შესწავლას.

## „სიგელი და სამახსოვრო საჩუქარი“

...იმერეთის მხარის ყველა მუნიციპალიტეტის მერი იყო მინეული ქ. ქუთაისში დაავადებათა კონტროლისა და საზოგადოებრივი ჯანდაცვის ეროვნული ცენტრის მიერ ორგანიზებულ კონფერენციაზე—„იმერეთი თავისუფალი C ჰეპატიტისაგან“. შეჯამდა საზოგადოებრივი ჯანდაცვის ცენტრის ხელმძღვანელებისა და სოფლის საექიმო ამბულატორიების ექიმების მიერ ამ კუთხით განეული მუშაობა.

კონფერენციაზე აღინიშნა თერჯოლის მუნიციპალიტეტის საზოგადოებრივი ჯანდაცვის ცენტრის ხელმძღვანელის თამილა არჯევანიძის და რუფოთის საექიმო ამბულატორიის ექიმის ნინო ამამუკელის განეული საქმიანობა ამ კუთხით.

2019 წელს თერჯოლაში C ჰეპატიტზე გამოკვლეული იქნა 7103 ადამიანი, ნაცვლად 6857-ისა. ამავე პროგრამის ფარგლებში კვლევა ჩატარდა აივ/ინფექცია შიდსზე და ტუბერკულოზზე. C ჰეპატიტზე გამოვლინდა 78 დადებითი შემთხვევა, შემდგომი კვლევისა და მკურნალობისათვის ისინი გადასამართლდნენ შესაბამის სამედიცინო დაწესებულებაში.

შუშუნა ცხადაძე

# თერჯოლის მუნიციპალიტეტის საკრებულოში



თერჯოლის მუნიციპალიტეტის საკრებულომ თებერვალშიც აქტიურად განახორციელა საკრებულო უფლებამოსილება.

გასულ თვეს ჩატარდა ბიუროსა და საკრებულოს მორიგი სხდომა, გაიმართა აპარატის თანამშრომლებთან თათბირი და კომისიებისა და ფრაქციების სხდომები.

მორიგ სხდომაზე მხარი დაუჭირეთ საბიუჯეტო ცვლილებებს, რაც გამოწვეულია მთავრობის განკარგულებით და ხარჯვით ნაწილის კორექტირებით. 2020 წლის ბიუჯეტის მთლიანი მოცულობა გაიზარდა 2612.5 ათასი ლარით და შეადგენს 19188.5 ათას ლარს.

გარდა ამისა, მხარი დაუჭირეთ მუნიციპალიტეტში რეგისტრირებული მძიმე სოციალურ პირობებში მყოფი ოჯახების ერთჯერადი ფინანსური დახმარების 2020 წლის პროგრამაში შესატან ცვლილებას, რაც გულისხმობს არსებული ტექნიკური ხარვეზის გასწორებას.

ჩავერთეთ „ქალთა საინფორმაციო ცენტრის - Women's Information Center“ ორგანიზებით გამართულ საინფორმაციო შეხვედრაში, რომელიც სოფელ ზედა საზანოს სა-

ზოგადოებრივ ცენტრში გაიმართა და მიზნად ისახავდა ადგილობრივი მოსახლეობის ინფორმირებას ქალთა უფლებებისა და გენდერული თანასწორობის შესახებ საკითხებზე.

საკრებულოს დეპუტატებთან და მუნიციპალიტეტის მერიის წარმომადგენლებთან ერთად, გვირგვინით შევამკეთ საქართველოს დამოუკიდებლობისათვის ბრძოლაში დაღუპულ გმირთა მემორიალი.

ჩემი ინიციატივითა და იურიდიულ საკითხთა კომისიის თავმჯდომარის აქტიური ჩართულობით, თერჯოლაში საჯარო რეესტრის ეროვნული სააგენტოს სამსახურით სამსახურის მობილური ჯგუფი, მიხეილ აბაშიელისა და გრიგოლ ბაქრაძის შემადგენლობით ჩამოვიდა, მოხდა დამისამართების საკითხის ადგილზე შესწავლა, რის შემდეგაც განხორციელდება გეოგრაფიული ობიექტების მდებარეობისა და არსებული მისამართების იდენტიფიცირება.

**ნინო ჯანელიძე,**  
თერჯოლის მუნიციპალიტეტის საკრებულოს თავმჯდომარე

# ქალთა უფლებებისა და გენდერული თანასწორობის თემებზე

თერჯოლის მუნიციპალიტეტის სოფელ ზედა საზანოს საზოგადოებრივ ცენტრში, „ქალთა საინფორმაციო ცენტრის - Women's Information Center“ ორგანიზებით გაიმართა საინფორმაციო შეხვედრა, რომელიც მიზნად ისახავდა ადგილობრივი მოსახლეობის ინფორმირებას ქალთა უფლებებისა და გენდერული თანასწორობის საკითხებზე.

შეხვედრაში, რომელიც ორი დღის განმავლობაში მიმდინარეობდა, მუ-



ნიციპალიტეტის გენდერული საბჭოს თავმჯდომარე, ნინო ჯანელიძე, საბჭოს წევრები, მასწავლებლები, ბაღის აღმზრდელები, დიასახლისები და მოსწავლეები მონაწილეობდნენ.

ტრენინგის მონაწილეებმა მიიღეს ინფორმაცია გენდერული როლები-სა და სტერეოტიპების, გენდერული თანასწორობის ინსტიტუციური მექანიზმების, ქალთა მიმართ ძალადობისა და ადგილობრივი და საერთაშორისო-სამართლებრივი მექანიზმების შესახებ. ასევე, ისაუბრეს ქალთა მიმართ ან/და ოჯახში ძალადობის მსხვერპლთათვის სახელმწიფო და არასამთავრობო ორგანიზაციების სერვისებზე.

ღონისძიება სახელმწიფო სერვისების განვითარების სააგენტოს მხარდაჭერით გაიმართა.

## ორმხრივ სასარგებლო შეხვედრა...

თერჯოლის მუნიციპალიტეტის საკრებულოში იურიდიულ საკითხთა კომისიის თავმჯდომარის, იმედა რობაქიძის ხელმძღვანელობით, გაფართოებული შეხვედრა გაიმართა კომისიის წევრებსა და მუნიციპალიტეტის მერიის ინფრასტრუქტურის სამსახურის, ასევე, სოფლებში მერის წარმომადგენლებს შორის.

კომისიის მიზანია, სახელმწიფო აუდიტის სამსახურის მიერ გაცემული რეკომენდაციების განხილვა, ინფრასტრუქტურული პროექტების


განხორციელების დროს გამოვლენილი ხარვეზებისა და ნაკლებობების შესახებ ინფორმაციის მიღება, ანალიზის საფუძველზე, ისეთი წესის შემუშავება, რომელიც უზრუნველყოფს სამუშაოების ხარისხიან შესრულებას.

შეხვედრა დიალოგის რეჟიმში წარიმართა. კომისიის გეგმიური შეხვედრები სახელმწიფო აუდიტის შესაბამისობის ანგარიშთან დაკავშირებით სხვადასხვა სამსახურის წარმომადგენლებთან ეტაპობრივად გაგრძელდება.



# თერჯოლის ცენტრის კეთილმოწყობის სამუშაოები მალე დაიწყება

„თერჯოლის“ მკითხველი ინფორმირებულია საკმაოდ მოცულობით იმ ინფრასტრუქტურულ პროექტზე, რასაც ქალაქ თერჯოლის ცენტრის კეთილმოწყობის სამუშაოები ჰქვია. პროექტი 2020-2021 წლებზეა გათვლილი და მისი სრული განხორციელებისათვის 2 მლნ. ლარამდე დაიხარჯება.



ამ ორწლიანი პროექტის ფარგლებში, მიმდინარე წლისათვის განსახორციელებელ სამუშაოებზე, ტენდერი უკვე ჩატარდა ქ. თერჯოლის რუსთაველის ქუჩის ერთი მონაკვეთის (დ. კლდიაშვილის მემორიალი—ავტოგასამართი სადგური) ორივე მხარეზე განთავსებული მოსახლეობის ეზოებისათვის ბეტონის ლობების მოსაწყობად. მარტის პირველ დეკადაში კი დასრულდება ტენდერები, რომლებიც გამოცხადებულია ქალაქის მთავარი ქუჩის სხვადასხვა მონაკვეთის მიმდებარე განთავსებული გმირთა მემორიალის, დავით კლდიაშვილის მემორიალური კომპლექსის და კიდევ 2 სკვერის რეაბილიტაცია—კეთილმოწყობისათვის.


რაც შეეხება დანარჩენ სამუშაოებს, კერძოდ კი ქალაქის მთავარი მაგისტრალის გასწვრივ ტროტუარების მოწყობა-რეაბილიტაციას, საცხოვრებელი სახლების ფასადების მოწესრიგებას და სხვა, მათი განხორციელება მოხდება შემდეგ ეტაპზე.

ჩვენი გაზეთი დაინტერესდა ერთ-ერთი ობიექტის—დავით კლდიაშვილის მემორიალის კეთილმოწყობის საპროექტო დოკუმენტაციით, რაზედაც აქვე გვექნება საუბარი.

პროექტის განმარტებით ბარათში, რო-

რების, ფეხსამაგალი ფილების თუ სხვა მწყობრიდან გამოსული უვარგისი ნაკეთობების დემონტაჟი და ნარჩენების გატანა, შემდეგ კი გამწვანება, გაზონების მოწყობა, დეკორატიული ფილების და ბაგეშებისათვის სათანამოდ განკუთვნილ ტერიტორიაზე კაუჩუკის საფარის დაგება. მემორიალთან ასევე გაკეთდება პარკინგი, სკვერში დამონტაჟდება საპარკე ავეჯი: საკამები, სანაგვე ურნები, საბავშვო-სათამაშო მოწყობილობები, ასევე მოწყობა დასასვენებელი სივრცეები, მაგ. საქანელა სკამები, ფანჩატური, ფანტანი. მთლიანად შეიცვლება და თანამედროვედ მოწყობა ელექტროგანათება. ინდივიდუალურად განათდება სკვერში განთავსებული დავით კლდიაშვილის ძეგლი და სხვა ქანდაკებები.

კეთილი და პატიოსანი. ჩვენ ყველანი დაინტერესებული ვართ, რომ თერჯოლისათვის ეს მეტად მნიშვნელოვანი ადგილი განსაკუთრებით ღამაზად და მიმზიდველად გამოიყურებოდეს, მაგრამ არ უნდა გამოგვივიდეს ის, რომ მემორიალის ერთიანი ხედვის და აღქმის არეალში არ მოხვდნენ მემორიალის უპირველესი ბინადრები—დადი სახალხო მწერალი და მისი პერსონაჟები.



მელიც მრავალგვერდიანია, დანვრილებითაა აღნერილი შესასრულებელი სამუშაოები. პროექტის ავტორის (ირაკლი თავაძე) განმარტებით, მისთვის სკვერის განვითარების ძირითად ხედვას წარმოადგენდა, რომ პროექტი რაც შეიძლება მორგებული ყოფილიყო ადგილობრივი მოსახლეობის მოთხოვნებზე და შეექმნა მოსასვენებელი სივრცე.

პროექტით შესასრულებელი სამუშაოების ჩამონათვალში შესულია არსებულ ტერიტორიაზე განთავსებული ბეტონისა და სხვა კონსტრუქციების, ბორდიუ-

არც იმას გამოვრიცხავთ, რომ პირიქითაც მოხდეს—ზუსტად პროექტით გაკეთებულმა ავტობოს. ასეთი ორი ურთიერთსაინანაღმდეგო აზრი გვიჩნდება, როცა ამ პროექტის რენდერებს ვაკვირდებით. როგორც ჩანს, სამუშაოების შესრულებისას, პროექტში რაღაც ცვლილებების შეტანა შეიძლება აუცილებელი გახდეს, რაც იმის გათვალისწინებით და ისე უნდა მოხდეს, მემორიალის თავდაპირველი ერთიანი ხედვის და აღქმის იდეა რომ არ დაიკარგოს.

დ. კლდიაშვილი

# კორონავირუსი საქართველოშიც შემოვიდა!

26 თებერვალს საქართველოში ახალი ტიპის კორონავირუსი COVID-19-ით დაინფიცირების პირველი შემთხვევა დაფიქსირდა. იგი ლუგარის ლაბორატორიაში საქართველოს იმ ერთ-ერთ მოქალაქეს დაუდგინა, რომელიც აზერბაიჯანის გავლით ირანიდან სახმელეთო გზით შემოდიოდა საქართველოში. დაავადებული იზოლირებულია თბილისის ინფექციურ საავადმყოფოში, სადაც გადის შესაბამის მკურნალობას.

ამ ფაქტთან დაკავშირებით, იმ დღესვე საქართველოს პრემიერ-მინისტრთან ოპერატიულად გაიმართა სამუშაო შეხვედრა შესაბამისი უწყებების ხელმძღვანელებთან. მკითხველს ვაცნობებთ, რომ ისე როგორც ჩინეთთან, ამჯერად ირანთანაც დროებით დაიხურა საჰაერო მიმოსვლა.

26 თებერვალსვე საგანგებო ბრიფინგი გამართეს ქვეყნის ჯანდაცვის მინისტრმა ეკატერინე ტიკარაძემ და დაავადებათა კონტროლის ეროვნული ცენტრის დირექტორმა ამირან გამყრელიძემ.

ვიდრე, ჩვენი გაზეთის ეს ნომერი ბეჭდვაში ჩავიდოდა, ანუ 2 მარტისათვის საქართველოში კორონავირუსის კიდევ 2 შემთხვევა დაფიქსირდა.

ახალი კორონავირუსით (COVID-19), რომელმაც ასე შეაშფოთა სამყარო, დაავადებულთა რაოდენობამ მსოფლიოში, 1 მარტისათვის 90 ათასამდე აღამიანმა შეადგინა. ვირუსით ამ დროისათვის ... დაღუპული იყო 3 ათასამდე ადამიანი. გამოიკვეთა დადებით ტენდენცია, მედიკოსებმა უკვე განკურნეს 43 ათასი დაავადებული.

ვირუსის ტიპი, რომლის აფეთქებაც ჩინეთის ქალაქ უხანში მოხდა, ექიმებისთვის კარგად ცნობილია. ის ე.წ. კორონავირუსების ოჯახს მიეკუთვნება, რომლებმაც ადრე რამდენიმე დაავადება გამოიწვიეს, მაგალითად, მწვავე რესპირატორული სინდრომი Sars-ი 2003 წელს, ასევე შუა აღ-

ის მატარებლები არ ყოფილან ადამიანები, არამედ ცხოველები. ისინი ადამიანისთვის ბევრი საშიში დაავადების მატარებლები არიან, თუმცა პირდაპირ ცხოველიდან ადამიანზე დაავადების გადაცემის შემთხვევები საბედნიეროდ ცოტაა.

კორონავირუსი Sars-ს 2003 წელს მსოფლიოს 33 ქვეყანაში დაფიქსირდა (ყველაზე მეტი დაავადებული ჩინეთში, სინგაპურში და კანადაში იყო).

2012 წელს, ახლო აღმოსავლეთში ახალი ინფექცია დააფიქსირეს, რომელიც კორონავირუსმა MERS-მა გამოიწვია. მაშინ მიიჩნიეს, რომ ვირუსი აქლემებთან პირდაპირი კონტაქტის შედეგად გავრცელდა ადამიანზე. საშიშროება სმირ შემთხვევაში დაკავ-



მოსავლეთის რესპირატორული სიმპტომი Mers-ი 2012 წელს.

პირველი ვირუსის დროს ინფიცირებულების 9% დაიღუპა, ხოლო მეორე ეპიდემიის დროს - 35%.

საიდან ჩნდება საშიში კორონავირუსები? კორონავირუსი ეს ვირუსების დიდი „ოჯახია“, რომელთა „წევრებიც“ ადამიანში სხვადასხვა დაავადებებს იწვევენ—ფართოდ გავრცელებული გრიპიდან, მწვავე რესპირატორულ სინდრომამდე და ასევე საჭმლის მომწელებელი სისტემის ტრაქტის ანთებამდე.

კორონავირუსები ვიზუალურად სფერული მიკრობებია, რომლებიც შეიცავენ ერთჯაჭვიან მოლეკულას (რიბონუკლეინის მჟავა). მათ პატარა ბუსუსები აქვთ, რომელიც მზის დაბნელების დროს შექმნილ „გვირგვინს“ (COVID-19) ჰგავს, აქედან მოდის სახელიც - კორონავირუსი.

დღეს კორონავირუსის „ოჯახი“ 30-ზე მეტ სახეობას შეიცავს და ის მუდმივად იმატებს. ადამიანებში მწვავე რესპირატორულ ინფექციას ოთხი ტიპის კორონავირუსი 229E, OC43, NL63, HKU1 იწვევს.

XX საუკუნეში კორონავირუსები როგორც ადამიანებში და ცხოველებში მწვავე რესპირატორული დაავადებების გამოწვევებად იყო ცნობილი, თუმცა საშიში ვირუსული ინფექციების სიაში არ შედიოდნენ. ამჟამად კორონავირუსების ოჯახში არსებობს უკვე სამი ტიპის ვირუსი, რომლებიც ადამიანში იწვევს მწვავე რესპირატორულ დაავადებებს, ესენია - Sars, Mers და 2019-nCoV.

კორონავირუსების, Sars, Mers და COVID-19-

შირებულია ვირუსის უჩვეულო მუტაციასთან. როგორც წესი, ვირუსი გარკვეულ წილად უნდა შეიცვალოს, იმისათვის, რომ მას ცხოვრების და გამრავლების შანსი მიეცეს მისთვის უჩვეულო გარემოში.

ალსანიშნავია, რომ ყველა კორონავირუსი საშიში არ არის. ადამიანი ფაქტობრივად მუდმივად ეჯახება მის სხვადასხვა გამოვლინებებს, მაგრამ საშიშია ის, რომელიც ერთი სახეობიდან, მეორეს გადაეცემა.

საქმე ისაა, რომ როდესაც ვირუსი მოულოდნელად გადადის ცხოველიდან ადამიანზე, ადამიანის იმუნური სისტემა ამ კონკრეტულ ვირუსთან საბრძოლველად მზად არ არის, რადგან მანამდე მას არასდროს დაჯახებია.

რა გავაკეთოთ ვირუსის გავრცელების შემთხვევაში?

ცუდი ინფორმაცია მდგომარეობს იმაში, რომ ვირუსის გავრცელება ყოველთვის წამლების მიღებით არ ჩერდება. ეფექტური ანტივირუსული პრეპარატები ცოტაა, თუმცა არსებობს ვირუსისგან თავის დაცვის საფასური ეფექტური მეთოდი - ხელის სმირად დაბანა და ხალხმრავალ ადგილებში სამედიცინო ნიღბის ტარება.

საბედნიეროდ, კორონავირუსების Sars-ის და Mers-ის აფეთქების შემდეგ, საერთაშორისო დონის მექანიზმები შემუშავდა, იმისათვის, რომ დაავადება მასშტაბურად არ გავრცელდეს.

ექიმები იმედოვნებენ, რომ წინა კორონავირუსებისგან მიღებული გამოცდილებით, წლებიანდელი „აფეთქება“ უფრო ნაკლებად საშიში იქნება.

### გაზაფხულიც მოვიდა...

დღეები დღეებს მისდევს, თითქოს გუშინ იყო, ახალი წელი რომ ვიზიემით და აი, თებერვალმაც გაიხურა კარი. გაზაფხულიც მოვიდა, რაც იმაზე მიგვა-ნიშნებს, რომ საჭიროა ამთავითვე საგა-ზაფხულო სამუშაოებისათვის მოვემზა-დოთ. რკინა-კავეული გავლესით, მან-ქანა-ტრაქტორები გავმართოთ, წლის მოსავალს რიგიანი საფუძველი ჩავუყა-როთ. მინის მეთარგე კაცი ცხადია, ასეც მოიქცევა და ღვთის მადლის შეწევნა-ც თუ იქნა, შედეგსაც სასურველს მიიღებს.



რა გვაქვს მხედველობაში? ის, რომ სარ-წყავ-საირიგაციო სისტემები ყველგან არ გვაქვს და ალბათ კარგა ხანს არ გვექნება, ჯერჯერობით ისევ მალა, ცისკენ ვიყურებით, ბუნება ნაღების სა-ხით გაიღებს თუ არა მოწყალებას. ჩვენ ჩვენის მხრით, ცდა არ უნდა დავაკლოთ, რომ გვიშროშია, იმაზე მეტად გავისარ-ჯოთ და დავიიმედოთ თავი, რომ შრომა უსათუოდ გავიმართლებს.

აქა-იქ გავესაუბრეთ მეურნეებს. ვნა-ხეთ, რომ ყველას ერთნაირი სატკივარი ანუხებს:

**ლ. ჭანტურიძე, სოფ. საზანო:** რა ვითხ-რათ, რა ვიცი, სამკურნალო ნამღების არ იყოს, სანვავ-საცხები მასალები სულ უფრო ძვირდება. სასუქსაც ისეთი ფასი ადევს, არ მგონია, პენსიონერმა მეურ-ნემ შეიძინოს. შარშანწინ ათასი მ<sup>2</sup> მიწის დახენა 15 ლარი ღირდა, შარშან—20 ლა-რი, წელს უკვე 25 ლარს ითხოვენ მექანი-ზატორები და უნდა მისცე, სხვა რა გზაა, მათაც თავისი გასაჭირი აქვთ. რა გული გავიძლებს მიწის მოყვარე კაცს, ფარ-თობი დაუხნავი დატოვო. მე ჩემი დრო

მოვჭამე, ახალგაზრდები მეცოდება, აქ რომ ვერაფერს იწვევენ, სხვაგან გარბიან სამუშაოდ. უცხოეთში ნაშოენი გროშე-ბით აქ ოჯახს არჩენენ, ვისაც ჰყავს, ცხა-დია, ვისაც არ ჰყავს, ხელმოკლეობის გა-მო შექმნაზეც აღარ ფიქრობს. ცარიელ-დება სოფლები, ნახეთ სკოლებში, თითზე ჩამოსათვლელი ბავშვებია დარჩენილი.

შრომაში ვარ ჭიპმოჭრილი, შრომაც ვიცი და შრომის ყადრიც, მეურნეობაც ძლიერი მაქვს და ოჯახიც, მაგრამ ახალ-გაზრდები თანამედროვე ტექნოლოგიე-ბის გარეშე ამდენს ვერ შეძლებენ. ბარის და თოხის დრო წავიდა. სოფელს სხვანა-ირი მიდგომა უნდა დღესდღეობით.

**ჰოდა, ვისმინოთ, ბატონო.**  
**ალ. ბუცხრიკიძე, სოფ. ალისუბანი.** ჩე-მი დღე და მოსწრება მიწასა ვარ შეჭი-დებულნი. უკვე 60-ს გადავშორდი, მაგ-რამ დღესაც პირად დამხმარე მეურნეო-ბაში მოწეული მოსავლით ვამაქვს თავი. ძველების ნათქვამია, თუ სასიმინდში სიმინდი გავქვს, ნურაფრის გეშინიაო. თავსაც გამოკვებავ, საყოლიებელსაც... მთავარია, ხელი გაანძრიო. რალაცატომ მგონია, რომ ჩვენებურები შრომას გა-დაეჩვივნენ, აგერ კაცო, საკუთარი ად-გილები გავერანებული აქვთ და ეგერ, თურქეთში თოხნიან, თხილს ბოჭავენ და ჩაის კრეფენ...

ესაა, გვალვა შემოგვეჩვია, ისე მალა-ლია ხოლმე ტემპერატურა, ხეები შეანუ-ხა, ნიგოზი, ტყემალი, ატამი ლამის გა-ახმო. ძალიან დიდი საფიქრალი გავვიჩ-ნდა. ლელზე წყლის ნისქილი მქონდა, ცა და ქვეყანა ჩემთან მოდიოდა, წყლის ნისქილზე დაფულის მჭადს სულ სხვა გემო აქვს, ვეღარ ვამუშავებ, წყალი აღარაა კალაპოტში.

თუმცა, წლებიანდელი მოსავლისად-მი იმედიანად ვარ განწყობილი, ღვთის მადლით, ნალექიც უხვად მოვიდა ზამ-თარში ადრინდელისაგან განსხვავებით.

თუ მეტი ხელშეწყობა იქნა, სოფელი ალორძინდება. ამაზე უნდა იფიქრონ ქვეყნის მესვეურებმა და საერთოდ, თუ გინდა ქვეყანა ძლიერი იყოს, სოფელი და სოფლის მეურნეობა მათი უპირველესი საზრუნავი უნდა გახდეს.

ი. პარაძე

### მუნიციპალიტეტის მერიამ სუფთა სასმელი წყლით უზრუნველყოფა—ჩვენი უფლება!

7 თებერვალს, მუნიციპალიტეტის მე-რიის სხდომათა დარბაზში, გაიმართა საქმიანი შეკრება, რომელსაც ესწრებოდ-ნენ: მერის წარმომადგენლები სოფლები-დან, საბავშვო ბაგა-ბაღების და სხვა და-წესებულებათა ხელმძღვანელი მუშაკები. მათთან თემაზე „სუფთა წყლისა და ჰიგი-ენის ხელმისაწვდომობა, როგორც ადამი-ანის უფლება“, სასაუბროდ და განმარტე-ბებისათვის მოვიდნენ სტუმრები კავკა-სიის გარემოსდაცვითი არასამთავრობო ორგანიზაციების ქსელიდან (CENN). კერ-ძოდ, ვახო ქოჩორაძე—გარემოსდაცვითი პროექტების კოორდინატორი (ჯგუფის ხელმძღვანელი), მაკა ნუცუბიძე, პროფე-სორი, გარემოს ეროვნული სააგენტოს ტრენერი, შოთა გაფრინდაშვილი—იმე-რეთის რეგიონის კოორდინატორი.

ცნობისათვის: CENN არის არასამთავ-რობო ორგანიზაცია, რომელსაც მუშაობს ჩვენი გარემოს დაცვაში მასხრეთ კავ-კასიაში მდგრადი განვითარების ხელ-შეწყობის გზით. CENN სპეციალიზებუ-ლია მთელ რიგ სფეროებში, მათ შორის კლიმატის ცვლილებების წინააღმდეგ ბრძოლა, რესურსების მდგრადი მართვა, ჯანმრთელი და აყვავებული კლიმატის მდგრადი თემების მშენებლობა და გან-ვითარება, გარემოს დაცვით საკითხებში ქალთა ჩართულობა და ამ კუთხით მათი როლის ზრდა.

გარემოსდაცვითი მიმართულებით არ-სებულნი, ადგილობრივი და რეგიონული პრობლემების ეფექტიანად გადასაჭრე-ლად, აღნიშნული არასამთავრობო ორ-

განიზაცია ახორციელებს რეგიონულ პროექტებს სომხეთში, აზერბაიჯანსა და საქართველოში.

ლონისძიებაზე, პროფესორ მაკა ნუცუ-ბიძისა და სხვათა მიერ, დეტალურად იქ-ნა გაშუქებული, თუ რამი მდგრადობის სუფთა წყლისა და ჰიგიენის ხელმისაწ-ვდომობაზე ადამიანთა უფლებანი, რომ თუ ეს უფლება არაა დაცული, „დომინოს პრინციპით“ ირლვევა და იშლება სხვა უფლებები“ (მისი სიტყვებით).

ამასთან, განმარტებული იქნა თითოე-ული ადამიანის მოვალეობანიც წყალთან მიმართებაში. რომ წყლის დაბინძურების ნებისმიერ შემთხვევაში მათი რეაგირება უნდა იყოს გულმოდგინე და ოპერატიუ-ლი.

პროექტის ფარგლებში გარემოს ეროვ-ნულ სააგენტოს შეუძლია უფასოდ მოემ-სახუროს კონკრეტულ იურიდიულ პირს წყლის სისუფთავის შემოწმებასა და ჰიგი-ენურობის დადგენაში.

დასკვნითი ნაწილი წარმართა კითხ-ვა-პასუხის რეჟიმში და თემის ირგვლივ ყოველი საკითხი ბოლომდე იქნა გაშუქე-ბული.

ლონისძიებას ორგანიზება გაუკეთეს და მის მუშაობაში მონაწილეობდნენ მერიის სივრცითი მოწყობისა და არქიტექტურის განყოფილების უფროსი ამირან სოფრო-მაძე, განათლების, კულტურის, სპორტის და ახალგაზრდობის საქმეთა სამსახურის III რანგის I კატეგორიის უფროსი სპეცი-ალისტი ნუნუ მარაჩველიძე.

ი. მარაჩველიძე

### გაზეთი „წინსვლა“ და ლამარა აბულაძე ორმოცდასამი წლის წინანდელი ამბები

...ქრისტეშობიდან 1977 წელს ითვლიდა თერჯოლა. ეს და მომდევნო წლები იყო ჩაის, ყურძნის, ბოსტნეულის, აბრეშუმის პარკის რეკორდული მოსავლის წელი. 1120 ტონა ჩაი მოიკრიფა ამ წელს თერჯოლაში. მრავალ მოწინავე მეჩაიეთა შორის გა-მორჩეული იყო ძვერელი ლამარა აბულაძე, იგი ტონობით ჩაის ფოთოლს კრეფდა, სწორედ ამიტომ იყო შრომის ორდენოსანი და სხვადასხვა მოწვევის ადგილობრივი და რაიონული საბჭოს დეპუტატი. „წინსვლაც“ ხშირად სწორედ ამიტომაც წერდა მასზე.

ლამარა აბულაძე ახლაც ძვერში ცხოვრობს. ცხადია, ძველებური შემართება და ჯანი აღარ აქვს, მაგრამ აღარც ჩაია საკრეფი. ახლა ისვენებს. თავის დროზე, ახალ-გაზრდებს აყვარებდა ამ საქმეს. მერე ისინიც მოწინავენი გახდნენ და არა მარტო ერთ—მეჩაიეობის დარგში.

\*\*\*

ლამარა აბულაძე, როგორც გაზეთის შტატგარეშე კორესპონდენტი, თავადაც წერდა წერილებს. გაზეთ „წინსვლის“ 1977 წლის ერთ—ერთ ნომერში მან ახალგაზ-რდა ნათელა ვერულაშვილი გაგვაცნო. მას გაპროფენებული ჰქონია ჩაის პლანტაცია 2000 მეტრი, ვენახი—3000 მეტრი, სიმინდის ფართობი—5000 მეტრი. „არ იღლები-ო?“—დაუსვამს კითხვა ლამარას—„გარეგნულად მშვენიერი ნათელას ხელები პასუ-ხოვდნენ ამ კითხვებს“—წერს ლამარა.

ნეტა თუ ახსოვს ეს წერილი, ან ის, რამდენს ვწერდით მის წარმატებაზე! ანდა, სად არის მისი რესპოდენტი—ასაკოვანი იქნება ისიც. იმედია, ბედნიერი და ჯანმრთელი. დედის დღეს და ქალთა დღეს ვულოცავთ ქალბატონ ლამარას, დიდხანს სიცოცხ-ლეს და ბედნიერებას ვუსურვებთ.

აუცილებლად მოვიკითხავ ნათელა ვერულაშვილს, გავიგებ სად არის, როგორ ცხოვრობს!

### წარსულის გახსენების სურვილით

გაზაფხულის პირველ და ყველაზე ლამაზ დღესასწაულებზე მაინცდამაინც წინო კურცხალია, თერჯოლის №2 საჯარო სკოლის ბიბლიოთეკის გამგე, ერთი მიზნითაც გავისხენთ.

ოცდასამი წლის წინ, გაზეთ „წინსვლის“ ერთ—ერთ ნომერში ვწერდით მასზე, რო-გორც ჩხარის ღვინის ქარხნის მოწინავე მუშაზე, იქვეა ფოტოც. ახლახანს შევხვდი. საუბარი არც მქონდა დამთავრებული, კითხვა შემომიბრუნა—წინელი გიორგიძე-



თან ერთად ვიქნებო. იუარა, რა-ტომ უნდა დაწეროთ ჩემზე, რო-ცა ამდენი ქალბატონიაო, მაგრამ გულის სიღრმეში ესამოვნებო-და, მას ხომ დღემდე ახსოვს ორ-მოცდასამი წლის წინანდელი ამ-ბავი, ნეტა გაზეთის ნომერიც თუ აქვს. რამდენადაც ვიცნობ წინოს, ექნება!

წინოს თბილისის პუშკინის სა-ხელობის პედაგოგიური ინსტი-ტუტი აქვს დამთავრებული, არის ბიბლიოთეკატმცოდნე, უყვარს თავისი საქმე და სიყვარულით ემსახურება, ახლა სკოლის ბიბ-ლიოთეკაში 3000-ზე მეტი წიგნია, მხატვრული, სამეცნიერო, საბავ-შვო, ისტორიული, ენციკლოპედი-ური. „ბიბლიოთეკა მარტო წიგნსაცავი კი არა, კაცობრიობის გონების სინთეზია“—ო, უყვარს ეს ბევრისმთქმელი ფრაზა და ხშირად ფიქრობს, როგორ შემოაბრუნოს ახალგაზრდები წიგნისკენ. „წიგნი მაინც წიგნია, მას ვერაფერი ცვლის“—ო.

კარგი ოჯახი აქვს წინოს. ჰყავს მეუღლე და ორი შვილი—დათო ცენტრალური სა-არჩევნო კომისიის იურისტი, ანა—ეკონომისტი, ახლა გერმანიაში მუშაობს ფრან-კფურტის ერთ—ერთ ბანკში, თან მაგისტრატურას ამთავრებს.

იყო დრო, როცა იშვიათად, მაგრამ მაინც „კორესპონდენტობდა“ წინო „წინ-სვლის“ ფურცლებზე, „თერჯოლაც“ სიამოვნებით ითანამშრომლებს მასთან. ასეთი იყო წარსულიდან წინოს ცხოვრების ერთი პატარა მონაკვეთი! გილოცავთ გაზაფხულს ქალბატონო წინო!

### სამშობიარო სახლი სრულ მზადყოფნაშია

„თერჯოლაშემდის“ პირველ სართულზე უკვე გამომწნა წარწერა „ვასო ვერულაშ-ვილის სახელობის სამშობიარო სახლი“. ძალიან მალე თერჯოლაში ისევ დაიბადე-ბიან ბავშვები და ეს ბევრი ახალგაზრდა დედის ოცნების ასრულება იქნება. „იმერ-მედის“ ხელმძღვანელობა და მეან-გინეკოლოგიაში პირველი კატეგორიის სპეცი-ალისტი, იმერმედის მეან-გინეკოლოგი 2017 წლიდან, ლალი გვეტაძე—ელოდებიან სერთიფიკატს და სამშობიარო სახლიც მალე გაიხსნება 18 საწოლზე.

\*\*\*

...და გავისხენთ მე და ქალბატონმა ლალიმ რაიონულ საავადმყოფოში მისი სამეა-ნო-გინეკოლოგიური განყოფილების გამგედ მუშაობის პერიოდი. ჩვენს გაზეთს არა ერთხელ დაუბეჭდავს ახალდაბადებული ბავშვის ფოტო, რამდენიმე მონაცემი—და-ბადების დრო, წონა, სიგრძე. ექიმებთან და მშობლებთან ერთად მეც დავლოდები-ვარ დაბადებას, გაზეთის საახალწლო ნომრისათვის.

ლალი გვეტაძის ყველაზე დიდი სურვილია, კვლავ დაიბადონ თერჯოლაში ბავშვე-ბი, მალე გაიხსნას სამშობიარო სახლი. ოცნება მალე ავიხდებთ ქალბატო ლალი, მანამდე კი, ქალთა დღეებს გილოცავთ „თერჯოლაშემდის“ ქალბატონებთან ერთად!

ჟჟჟუნა ცხადაძე

### გილოცავთ!

ზედა ალისუბნის საბავშვო ბაღის თანამშრომლები დიდი სიყვარულით ვულოცავთ დაბადების დღეს ამავე ბაღის დირექტორს, ქალბატონ ნატო აბულაძეს.

დიდია თქვენი დამსახურება ჩვენი საბავშვო ბაღის წარმატების საქმეში. თქვენ ხართ სამაგალითო დედა, ერთგული მეგობარი და კარგი ხელმძღვანელი.

დღევანდელ დღეს კიდევ ერთხელ გამოვხატავთ პატივისცემას და მადლიერებას თქვენს მიმართ. ვისურვებთ ჯანმრთელობას, კეთილდღეობას და წარმატებას პი-რად და პროფესიულ საქმიანობაში, დაბადების დღესთან ერთად გილოცავთ დედის და ქალთა დღეებს.

# ახლობელ ადამიანთა მოლოდინში...

სახელმწიფო ზრუნვისა და ტრეფიკინგის მსხვერპლთა, დაზარალებულთა დახმარების სააგენტოს ფილიალს—ძვერის შშმ პირთა პანსიონატს ათეული წლების განმავლობაში ძვერის ინვალიდთა სახლს უწოდებდნენ. ინვალიდად მოიხსენიებოდა არამარტო აქ მოხინაღრენი, არამედ ყველა, ვისაც ჯანმრთელობის პრობლემა ჰქონდა, დიდი სამამულო ომის მონაწილეები, ტერიტორიული მთლიანობისათვის მებრძოლი, რომლებიც ტრამვით დაზარუნდნენ. „ინვალიდი“—არ არის ეს სიტყვა კარგი მოსასმენი, „შეზღუდული შესაძლებლობა“ მას კარგად ესადაგება.

1956 წელს გაიხსნა ეს სახლი და 300 სანოლზე იყო გათვლილი, მთელი რესპუბლიკის მასშტაბით, სხვადასხვა მიმე დიაგნოზით დაავადებული ადამიანები ცხოვრობდნენ აქ სახელმწიფო ზრუნვის ქვეშ და ხშირად სიცოცხლის ბოლომდე, მათი სამუდამო განსახლებაზელიც ძვერში იყო. აქაურ მოხინაღრეებს ზედმეტ-ნაკლებად ყოველთვის ჰქონდათ არსებობის პირობები, მაგრამ ბოლო წლებში აქ ცხოვრება მნიშვნელოვნად არის გაუმჯობესებული. სიტყვა „ცხოვრება“ შემთხვევით მოხმობილი არ არის. ბენეფიციართა ჯანმრთელობის მდგომარეობას ვერაფერ შეცვლის, ასეთებად არიან დაბადებულნი, მაგრამ, სხვა მხრივ, არაფერი აკლიათ, მაგრამ აკლიათ ყველაზე მნიშვნელოვანი—ოჯახური გარემო, რადგან ოჯახებს, მათ ახლობლებს არ აქვთ სურვილი, მათივე სისხლი და ხორცი იმყოფებოდეს მათ გვერდით, სახელმწიფოსგან კი მეტი არაფერი შეიძლება! ამ სიტყვებს რომ ვამბობ, „საბუთი“ მაქვს...

## ერთი დღე პანსიონატში...

საქართველოს მოსახლეობის დიდი ნაწილი სიღარიბეში ცხოვრობს, უსახლკარონიც არიან და სახლკაროც რომ მოწესრიგებული აქვთ, ისეთებიც. ათასობით ბავშვი ქუჩაში ცხოვრობს, სანაგვეებზეც შეხედვით ერთეულ ადამიანებს... შედით ბატონო ძვერის პანსიონატში, დაათვალიერეთ, ნახეთ და დარწმუნდებით, რომ ეს პანსიონატი ნამდვილად არის ზრუნვის ობიექტი.

რი დგას თურმე აღრიცხვაზე, აქ არიან ყველაზე მძიმე დიაგნოზით დაავადებულნი მთელი ქვეყნიდან და 65-დან 63-ს თვით მოვლის უნარი არ გააჩნია, ამიტომ არის პანსიონატის თანამშრომელთა რიცხვი დიდი. ჰყავთ: 32 მომვლელი, 6 ექთანი, 2 ექიმი, 1 სოცმუშაკი, 1 ფსიქოლოგი, 3 მზარეული, 6 მზარეულის დამხმარე და სხვა ტექპერსონალი—სულ 66 თანამშრომელი, კარგია ხელფასებიც, მაგრამ არა იმდე-

სუსიმგებლობაზე. პანსიონატში დაცულია კვების რეჟიმი, მენიუ ყოველ ათ დღეში იცვლება, საკვები მეორდება. ორი ბენეფიციარი სპეციალურ კვებაზეა, ისინი ცალკე მარაგდებიან, საკვები ძვირადღირებულია.

საქართველოში 5 პანსიონატია. ორი ხანდაზმულთა, სამი სხვადასხვა დაავადებულების მიხედვით. ძვერში მიიღებიან მძიმე და ღრმა გონებრივი ჩამორჩენის მქონე ბენეფიციარები 18 წლისა და ზევით. პანსიონატში არის გართობის საშუალებებიც, მას იყენებენ ისე, როგორც შეუძლიათ.



ლია, სამზარეულო და სასადილო ოთახები, დგამ-ავჯივი, ჭურჭელი, სამაცივრო დანადგარები კრიალებს, ორი საქვაბე მეურნეობა პანსიონატს უზრუნველყოფს ცხელი წყლით, გათბობით, ვანატუალეტი საცხოვრებელ ოთახებშია, ეზო მოწესრიგებული, მენიუში ნახავთ, რომ პანსიონატის მოხინაღრეებს ოთხჯერადი კვება აქვთ, მარაგდებიან ახალი ხორცი, თევზეულით, რძითა და რძის პროდუქტებით, ბურლულეულით, ბოსტნეულით, ხილით...

ნი, მათ მძიმე შრომას რომ ჰყოფნიდეს. თუ კეთილსინდისიერად ასრულებ მინდობილ საქმეს, თუ გულით გიყვარს, თუ შეგტკივა მისი, ვისაც უვლი, ათასობით ღარიც ალალია.

თითოეულ ბენეფიციარს ჰყავს ე.წ. „მზარდამჭერი“. მათი მოვალეობაა, განკარგონ ბენეფიციარის სახელმწიფო ვასაცემლები, უზრუნველყონ საჭიროების დროს მათი ჯანდაცვა, განსაზღვრონ საცხოვრებელი ადგილის არსებობა (გადასვლა სხვა პანსიონებში ან ოჯახში), იყენენ მათი წარმომადგენლები იუსტიციის სახლებში და სხვა. ბენეფიციარებს ბანკებში აქვთ



გარკვეული რაოდენობის დაგროვილი თანხა, პენსიის სახით, თანხის გამოყენება შეუძლია ოჯახს, ნათესავს, სხვა პირს იმ შემთხვევაში, თუ აიღებს პასუხისმგებლობას ბენეფიციარზე მისი სიცოცხლის ბოლომდე. თვეში ერთხელ მზარდამჭერები ანგარიშს აბარებენ ალებულ პა-

ცხოვრობენ. ამ სახლებს შორის ნამდვილად არის განსხვავება, თანაც იმდენად, რომ შეიძლება შეცვლილიყო არამარტო ცხოვრების პირობები, არამედ განწყობილება: შეცვლილია ოჯახის წევრთა ხასიათი, ერთმანეთთან დამოკიდებულება და არის სურვილი, მეტი იშრომონ, შეიძინონ. სოფელში მერის წარმომადგენლის დავით გოგბერაშვილის თქმით—ამ ერთ წელიწადში მეტი მოტივაცია მიეცათ, ფიზიკურად კი მეტს შრომობენო და უკვე დამუშავებულ მინის საყენე ფართობზე მიმითითა.

33 ათასი ლარი დაჯდა სახლის მშენებლობა სამი კეთილმოწყობილი ოთახით. თანხა მთლიანად მუნიციპალიტეტის

შუშუნა ცხადაძე

# დამაბარეს ათასი მადლობა...

რას იფიქრებდნენ, რომ ერთი წელი შეცვლიდა ცხოვრებას, რალაც განსაკუთრებულ ელფერს შექმნა მას და აფიქრებინებდათ, რომ მიუხედავად სიძნელებისა, ცხოვრება მშვენიერია. ერთი წლის წინ, საზანოელი ცოლ-ქმარი სპარტაკ თარგალაძე და შორენა კვანტიძე სამ მოზრდილ შვილთან—საბასთან, ოთართან და დალისთან ერთად სახლ №1-ში ცხოვრობდნენ, ახლა კი სახლ №2-ში

ბიუჯეტიდან გაიცა. მშენებლობას ანარმოებდა შპს „სარგო“ (ხელმძღვანელი ნუკრი სარდანაძე). მშენებლები: მანუჩარ თურქაძე, რაჟდენ ბოჭორიშვილი, რეზო და გიორგი ნიკოლაძეები, სულს და გულს დებდნენ საქმეში. სხვა გეგმებიც არის ოჯახში. შორენამ თქვა, რომ დროდადრო გააფართოვებს სახლს, მიაშენ-მოაშენებს დამხმარე სათავსოებს. „იმდენად მყარი



ბალავერი აქვს, მეორე სართულიც შეიძლება დაეშენოსო“—რჩევა არ დაუმადლებია ოჯახისათვის დავითს. შორენამ კი ათასი მადლობა დამაბარა მუნიციპალიტეტის ხელმძღვანელების მისამართით.

33 ათასი ლარი დაჯდა სახლის მშენებლობა სამი კეთილმოწყობილი ოთახით. თანხა მთლიანად მუნიციპალიტეტის

იმავე პერიოდში, ზუსტად ისეთი სახლი აუშენა მერიამ გოდოვანში მცხოვრებ დოდო აფრიდონიძეს, როგორც საზანოელ თარგალაძეებს. ტყუპებით არიან სახლები. ანალოგიური განწყობა და სიხარულია აქაც, ათასი მადლობა ჩვენიდანაცო—დაგვაბარეს აფრიდონიძეების ექსპნევირანმა ოჯახმა და მერის წარმომადგენელმა სოფელში გურამ ცირეკიძემ.

შუშუნა ცხადაძე

## სამადლობელი წერილები

რამდენიმე დღე მომინა „თერჯოლაშემდეგი“ მკურნალობამ. ამ დღეების განმავლობაში ყველა აქ მომსახურე პერსონალისგან ვგრძნობდი დიდ ყურადღებას და გულისხმიერებას. აქ მუშაობენ საქმისა და პაციენტების მოყვარული მედპერსონალი. მინდა მადლობა გადავუხადო ჩემს მკურნალ ექიმ-ნევროპათოლოგს ქალბატონ სოფიკო ბუსკივაძეს, ექიმ-კარგიოლოგს ნინო ცხადაძეს, ოჯახის ექიმს გია სიმონგულაშვილს, უფროს ექთანს ელისო გავაშელს, ექთნებს: ქალბატონ ნინო ზუზაძეს, ლალი აბუანდაძეს, ლელა რობაქიძეს, ია ფერაძეს, ლელა სოფრომაძეს, ია ლომიძეს, ნესტან ლიბრაძეს, სოფო მაჩიტაძეს, სანიტრებს: თამუნა რამიშვილს, თეა გამეზარდაშვილს, ნინო ჩაჩანიძეს, დამხმარე მთვარისა ბერუაშვილს. ყველა ზემოთ ჩამოთვლილმა ადამიანმა, აქ ყოფნის პერიოდში, არ დამაკლეს მზრუნველობა, ყურადღება და სიტბო, მადლობა მათ ამისათვის, დიდხანს სიცოცხლეს და ჯანმრთელობას ვუსურვებ ყველას.

პატივისცემით: ლალი ბუსხანიძე, თერჯოლიდან

დიდი მადლობა იმ მომსახურებისთვის, რაც „თერჯოლაშემდეგი“ ექიმებმა და თანამშრომლებმა გამიწიეს. ნამალი და მომსახურება არ დაუკლიათ ჩემთვის. მომკვიანი მიმიყვანეს სასწრაფოთი, მარჯვენა ფეხი შემუშუბული მქონდა. ერთი წუთითაც არ მივეუტოვებოვარ ექიმებს. თერჯოლაშემდეგისთანა საავადმყოფო ნეტავ ყველგან იყოს—ასეთი საუკეთესო, მცოდნე, ენერგიული, თავისი საქმის მიმართ პროფესიონალები. ყველა ავადმყოფს ვთხოვ, რომ ჰქონდეთ მათი იმედი. თუ რაიმე არის მათზე დამოკიდებული, ყველაფერს გაუკეთებენ, მადლობელი ვარ მიმღების თანამშრომლების გულთბილი მიღებით. ექიმ ტრამვატოლოგის გია კირთაძის და ყველასი, ვინც მკურნალობდა. დიდი მადლობა ძვირფასებო, უფალმა დაგლოცით.

ანნა შანიძე

## მადლობა საჩხერელ ექიმებს

გმუშაობ საჩხერე-ამბროლაურის გზის რეაბილიტაციაზე და ამჟამად დროებით იქ ვცხოვრობ. დილით, სახლიდან გამოსულმა, მივიღე ძლიერი ტრამვა, მქონდა ძლიერი დაზიანებები. რამდენიმე დღე საჩხერის საავადმყოფოში ვინექი და დღესაც ვმკურნალობ. ჩემს მიმართ საჩხერის საავადმყოფოში გამოიჩინეს განსაკუთრებული გულისხმიერება, ყველაფერი გააკეთეს ჩემი გადარჩენისა და ჯანმრთელობის შესანარჩუნებლად. დიდი მადლობა ექიმებს, მთელ პერსონალს და განსაკუთრებით ექიმ გიორგი საღუნაშვილს.

რევაზ ჭანაყიძე, თერჯოლა

# ნაცნობი ავტორის მორიგი წიგნი

## ოჯახები, სადაც ქალებისა და მამაკაცების ჰარმონია აძლიერებს სახელმწიფოს

მკვეთრმა სოციალურმა დიფერენციაციამ, უმუშევრობამ და სიღარიბემ პრობლემები შეუქმნა ტრადიციულ ქართულ ოჯახს. მით უფრო დასაფასებელია და განსაზოგადებელი ისეთი ოჯახების მავალითები, როცა მისი ყოველი წევრი ცდილობს, მუხლჩაუხრელი შრომით თავი გაართვას სიძნელეებს, მხარში დაუდგენს ერთმანეთს და გადაინანონონ ის ტვირთი, ცხოვრებამ რომ დააკისრათ.

ავტორი, შუა ქალაქში, გორაზე მცხოვრები ომარ და დოდო კუპატაძეების სანიმუშო ოჯახზე გვინდა ვთქვათ ორიოდ კეთილი სიტყვა. აქედანვე ვიტყვი, რომ თუ არა ასეთი ოჯახები, ალბათ გაცილებით ადრე დადგება ის საგარეულო დრო, როცა (ლმერთმა ნუ ქნას) ქართველები საქართველოში დემოგრაფიულად უმცირესობაში აღმოჩნდებიან (მიგრაციის ტემპს გააჩნია). კუპატაძეების ოჯახში კი ჯალაბის სიმრავლეა. ოჯახის უფროსებზე უკვე მოგახსენეთ. მათ შვილი აღზარდეს: მიხეილი, მირზა და მირანდა. დღეისათვის სამივენი დაოჯახებულია და 3 ახალი კერა შექმნა მამულს. მათი დიდი სიხარულია შვილიშვილები ლამა და ანუკა. რაც მთავარია, ჯვარი ეწეროთ და, ოჯახის არცერთ წევრს არა აქვს „ჩემოდანი ჩალაგებული“ უცხოეთში წასასვლელად. იმედია, ღვთის შეწევნით, არც ჩალაგებენ...

ის ადამიანები, ვისაც შრომის ყადრი ესმით და „ოფლითა თვისით“ მოიპოვებენ პურს არსობისას, წუხან, რომ ბევრი გაზარდაცა და გადაეჩვია შრომას, განსაკუთრებით ახალგაზრდები. უკვიროთ,—აქ, რალაცატომ სასირცხვოდ მიანიათ გარჯა, თავისი ადგილ-მამული გაპარტახებული აქვთ, მიდიან უცხოეთში, მაგ. თურქეთში და იქ კი არაადაამიანურ პირობებში შრომობენ. კუპატაძეების ოჯახი კი ამ მხრივ გამორჩეულია, ბატონ ომარსა და ქალბატონ დოდოზე აღარაფერს ვამბობ, მათ ოჯახზე ზრუნვასა და მუხლჩაუხრელ შრომაში გალიეს წლები. ადრიდანვე გვერდში დაიყენეს შვილები, საოჯახო საქმიანობაში, ამიტომ აღარაა გასაკვირი, რომ როგორც მიხეილი, ისე მირზა (მირანდა თავის ოჯახში) ადვილად უმკლავდებიან დამოუკიდებელი ოჯახის მოთხოვნებს.

როგორი მონდომებული, მიზანმიმართული უნდა იყოს ახალგაზრდა, რომ ამ შეჭირვებულ დროში, საკუთარი დანაზოგით, სახლი ააშენოს და ახალ ფუძე-კერას ჩაუყაროს ბალავარი. სწორედ ეს მოიმიქმედა მირზამ. სულ ახლახანს, მან თავის რჩეულზე იქორწინა და ოჯახის შექმნითაც გაახარა მშობლები.

მისაბაძია ისიც, რომ სრული ჰარმონია ოჯახის წევრების ურთიერთობაში. გუგულებივით არიანო, ამ ეზო-რიადაგედან ჩხუბი რაა, ხმამაღალი ლაპარაკი არ გაგვივინიაო, ამბობენ მეზობლები. დახმარება გინდა რაიმეზე? მამიან-შვილიანა შენთან გაჩნდებიანო...

ამ ფაქტზე იმიტომ ვამახვილებ ყურადღებას, რომ ყოველთვის რთული იყო და არის ადამიანური ურთიერთობები. თვით დედამიშვილებს შორისაც კი. ნათქვამია, თუ გინდა ძმები ერთმანეთს შეამდურო, ერთად უნდა დაასახლოო. მახსოვს, ადრე, ერთ-ერთ სოფელში (რომელსაც შეგნებულად არ ვასახელებ), ძმებმა გაყოფისას სანახაული და მაცივარი გახერხეს შუაზე. შემდეგ იმაზე წაიჩხუბნენ მაცივრის ძრავი რატომ შენკენ მოხვდაო. ჩვენს შემთხვევაში და-ძმას შორის, ისეთი კარგი ურთიერთობაა, გულით რომ ინატრებ კაცი და რაც განსაკუთრებით მთავარია, მონივნება და პატივისცემა მშობლებისადმი.

არ იქნება ურიგო, მთავარი ქრისტიანული მცნება: „პატივი ეცი მამას და დედას, რათა დღეგრძელი იყო მინაზე, რომელიც უფალს, შენს ღმერთს მოუცია შენთვის“, მათებრ ყველა ახალგაზრდამ დაიცვას და აღიკვეთოს შვილების მიერ მშობლებისადმი მოპყრობის ისეთი საშინელი ფაქტები, არცთუ იშვიათად რომ ვგებულობთ ტელევიზიით თუ პრესით.

გაზაფხული დგება. განახლების, ბუნების გაღვიძების ლამაზი პერიოდი. გვინდა გაზაფხული და დედის დღე მიულოცოთ კუპატაძეების დიდ ოჯახს, განსაკუთრებით ოჯახის დედაბოძს ქალბატონ დოდოს, შვილს—მირანდას, რძლებს—ქეთონის და მანანას, შვილიშვილ ანუკას.

დაე, სულ გაზაფხული ყოფილიყოს მათ გულებში.  
**გვერდი მოამზადა იუზა მარუაშვილი**



გივი ლობჯანიძე, დახვეწილი ინტელიგენტი, უგანათლებულესი პიროვნება, სამშობლოსა და ოჯახზე უზომოდ შეყვარებული მამულიშვილი. იგი ბევრს ემახსოვრება თერჯოლის რაიონში ხუთწლიანი მოღვაწეობიდან. ცნობისათვის: გურამ თავართქილაძის სასწავლო უნივერსიტეტის პროფესორი, იურიდიულ მეცნიერებათა დოქტორი, პოლიციის გენერალ-მაიორი... დაიბადა 1948 წლის 3 მაისს ამბროლაურის რაიონის, სოფელ ღებში. დაამთავრა ქუთაისის სახელმწიფო პედაგოგიური ინსტიტუტის ისტორია-ფილოლოგიისა და ივ. ჯავახიშვილის სახელობის თბილისის სახელმწიფო უნივერსიტეტის იურიდიული ფაკულტეტი.

არის მრავალი მონოგრაფიის, სახელმძღვანელოს, სამეცნიერო სტატიისა და პუბლიცისტური წერილის ავტორი: ვახტანგ გორგასალის III ხარისხისა და ღირსების ორდენების კავალერი. რედაქტორობს საერთაშორისო სამეცნიერო-პრაქტიკულ ჟურნალს „ცხოვრება და კანონი“.

არჩეულია საერთაშორისო, საქართველოს იურიდიულ მეცნიერებათა და რამოდენიმე დარგობრივი აკადემიის წევრად. ამჯერად, ბატონმა გივიმ კიდევ ერთი წიგნი გავეცხარა ლიტერატურის თაყვანისმცემლები. აი, რას ამბობს შესავალში ამ წიგნის შესახებ ცნობილი მწერალი თემურ ამყოლაძე (ზოგიერთი ამონარიდი): „დღი ხანია, გივი ლობჯანიძეს თავისი მკითხველი ჰყავს, ისინი, ძირითადად, სამართალმცოდნეები და სტუდენტები არიან. ცხადია, ის ამასთან, პროფესიული, ინტელექტუალური წრეც, ვისაც ქართული (და არა მხოლოდ ქართული) სამართლებრივი და ზოგადად, საზოგადოებრივი აზროვნების ისტორია აინტერესებს.“

მაგრამ, ეს მიზანდასახული კაცი მღვთისმეტყველებს არ კმაყოფილებდა და სათქმელის გამოხატვის ახალ ფორმებს ეძებდა. ამ ძიებამ პროფესიონალი ისტორიკოსი და იურისტი კანონმომქმედი, პროფესორი, პუბლიცისტი, მიიყვანა მხატვრულ-დოკუმენტურ პროზასთან, ლიტერატურის ამ საჭირო და მშვენიერ ჟანრთან.“

„...ცხადია, ნებისმიერი ადამიანის მემუარი, უპირველესად—ლიტერატურული ნიჭისა და მეორე—მისივე ცხოვრების გათვალისწინებით, თანაბარმნიშვნელოვანი ვერ იქნება, ეს ბუნებრივია, მაგრამ ყოველი მათგანი დავგიტოვებს რაიმე ღირებულებას—საზოგადოებრივი აზროვნებისა და კულტურის ისტორიისათვის ფასეულ ამბავს, თუკი, რა თქმა უნდა, მიუკერძოებლად მოგვითხრობს და არც არაფერს გამოიგონებს ავტორი, არაფერს შეთხზავს.“

გივი ლობჯანიძე თავადაც ცნობილი ადამიანია (რეკალიებს აღარ ჩამოვთვლი), უმდიდრესი და მრავალფეროვანი ცხოვრებით უცხოვრია, უამრავი რამ უნახავს, ქვეყნის ცხოვრების მუაგულში ტრიალებდა და ტრიალებს დღესაც, ამიტომ სათქმელიც ბევრი აქვს. ზოგ რამეც, გასაგები მიზეზების გამო, ვერც დაწერს, მაგრამ რასაც გვიამბობს (მხოლოდ და მხოლოდ იმას, რაც თვითონ უნახავს), გვიამბობს ლაღად, მიმზიდველად, ნოველური სისადავითა და სინათლით. გარემოებათა გამო, ზოგჯერ პუბლიცისტურ სიმშრალესაც შემოურევს ხოლმე, როცა ადამიანის ღვაწლზე უფრო საუბრობს, ვიდრე თავგადასავალზე, მაგრამ ესეც საჭიროა.

მოკლედ რომ ვთქვათ, მეცნიერულ ნაშრომებს შეჩვეულ მის მკითხველს სასიამოვნო სიახლე ელოდება—გივი ლობჯანიძის „მოგონებათა ქრონიკები“.

პირადად ის კაცი ვარ, ვისაც ლიტერატურა ძალიან უყვარს და რომ დავინწყე ამ წიგნის კითხვა, ველარ მოეცილდი, სულმოუთქმელად ჩავათავებო და მსყდრე, რომ ასე უცებ გამიფრინდა, ბრწყინვალე ქართული აღწერილი მოგონებების „პირველად წა-

კითხვის ბედნიერება“. ბატონი გივი მთელი 5 წელი, კომუნისტურ ხანაში, თერჯოლის პოლიციის შეფი იყო, რაიონის ცხოვრებით ცხოვრობდა და ცხადია, მოგონებებში თავისი ადგილის უთმობს თერჯოლასა და თერჯოლებს.

„თერჯოლის რაიონში მუშაობისას, ამბობს იგი, არაერთი ოჯახი და ადამიანი დავიმეგობრე. ჩემს ცხოვრებაში გამორჩეული იყო ის 5 წელი, რაც იქ გავატარე. იმერეთში ყველა რაიონს თავისი დამახასიათებელი და მიმზიდველი რამ გააჩნია, მაგრამ თერჯოლა, ჩემი აზრით, გამორჩეულია არამარტო გეოგრაფიული მდებარეობით, არამედ, უპირველესად—ხალხით. ვმეგობრობდი ბევრ გვართან, განსაკუთრებით კი ყიფიანების, კუბლაშვილების, მარუაშვილების, არაბიძეების, წიგნიაძეების, ჯავახიძეების, ქაშაკაშვილების ოჯახებთან, იმიტომაც რომ, გამორჩეული და წარმატებული ადამიანებით იყო გაჯერებული ეს ოჯახები და არა მარტო ისინი.“

მუშაობით რომ დავიღლებოდი და ცოტა დროს ვაძოვებინდი, განსატვირთად კუბლაშვილების უბანში გადავიდოდი. ჯერ შორიდან ვაკვირდებოდი ბატონი ვაჟას შრომას, ვინც არ იცნობდა და ვენახსა და ბაღში მის გარჯას ნახავდა, იტყოდა, ხელმადლიანი გლეხი მუშაობსო, არადა, ოპერის ნამყვანი მომღერალი ბრძანდებოდა. მე მასში ვხედავდი ღვთაებრივი მადლით ცხებულ კეთილშობილ კაცს...“

ბატონ გივის „მოგონებათა კრებულის“ დედაარსი სისხლბორცულადაა დაკავშირებული სამშობლოს ბედსა თუ უბედობასთან, თითოეული ოჯახის სატკივართან...

„ოჯახის ინსტიტუტის შესახებ მედიაში ურთიერთსაპირისპირო მოსაზრებები ქვეყნდება, აღნიშნავს იგი წიგნის ერთ-ერთ თავში—„მონაგარი“. ხშირად აბსურდულიც. სინამდვილეში, ოჯახი რთული სოციალური ფენომენია, მთელი საზოგადოებისა და წარმოებითი ურთიერთობების ორგანული ნაწილი. ბევრი სპეციფიკური თავისებურება რომ ახასიათებს. არსებობს ოჯახის ზოგად-სოციოლოგიური განმარტება: ოჯახი არის პირთა ქორწინებაზე, ნათესაობასა და ბავშვთა აღზრდაზე დაფუძნებული კავშირი, რომელიც განპირობებულია ერთად ცხოვრების, ინტერესთა ერთიანობისა და ურთიერთ ზრუნვის ფაქტორით.“

...მასხენდება ილია ჭავჭავაძის შეფასება. იგი ძალიან კარგად ერკვეოდა ოჯახის სამართლებრივ ბუნებაში და ოჯახის საწყისად და საფუძვლად ცოლქმრობას თვლიდა, მიაჩნდა, „ოჯახი რომ გამოიშენო, გული-ღვიძლი გაუჩხრიკო, ჰნახავთ, რომ საცა ცოლქმრობა არ ყოფილა, იქ არც ოჯახი გაჩენილა. ცოლქმრობაზე არის აშენებული ოჯახი“.

წიგნში აღწერილი მოგონებებში, რომელსაც იგი აღმზრდელ პედაგოგებს უძღვნის, ორგანულად უკავშირებს აღზრდა-განათლების სირთულეს, პედაგოგის ზოგადსაკაცობრიო მისიას...

„მამინდელისაგან განსხვავებით, წერს ბატონი გივი, დღევანდლობა ახალ, განსხვავებულ მოთხოვნებს უყენებს მოზარდი თაობის აღზრდის, სწავლებისა და განათლების უძველესსა და ურთულეს საქმეს. არ შეიძლება არ გვაშფოთებდეს, რომ ტრადიციული ღირებულებების გადაფასების პროცესმა, „იდეალების კრიზისმა“, ახალგაზრდობის ზნეობრივი დეგრადაცია გაამძაფრა. გამოსავალი სკოლის, მასწავლებლის ავტორიტეტის ამაღლებაშია საძებარი. მასწავლებელს კი, როგორც დიდი ჩეხი განმანათლებელი, მეცნიერული პედაგოგიის ფუძემდებელი იან ამოს კომენსკი ამბობდა, ისეთი მაღალი თანამდებობა უჭირავს, რომლის მსგავსიც არაფერი მოიძებნება მზის ქვეშეთში.“

მთავარზე უმთავრესი წიგნის ავტორის მოგონებებში, როგორც ზემოთ ვთქვეთ, სამშობლოს სატკივარია.

აი, ერთი მონაკვეთი, რომელსაც სიტყვა-სიტყვით გთავაზობთ მოგონებებიდან—„სინანული“. „დღეს, სხვებთან ერთად, მეც ბევრს ვფიქრობ საქართველოს ტერიტორიული მთლიანობის აღდგენის პრობლემაზე, არ ვიცი, როდის, მაგრამ ეს აუცილებლად მოხდება, თუ არა და, ამას მაინც ვიგრძნობ, რომელ სივრცესა და განზომილებაშიც უნდა ვიქნე... მჯერა, ასეც იქნება, მაგრამ, ჩემი აზრით, ამისათვის აუცილებელია, ქვეყანაში დაიძლიოს არაადეკვატური პოლიტიკური სიჭრელე, დამთავრდეს მოქალაქეთა დაპირისპირება, რა სარწულეთაც უნდა იყოს. საქართველოს, ასეთი ბუნებრივი პირობებისა და რესურსების პატრონს, შეუძლია ეკონომიკურად მონივნავს სახელმწიფოთა რიგში ჩადგეს, რომ მიმზიდველი გახდეს ყველასათვის. მათ შორის—აფხაზეთსა და ცხინვალში მცხოვრები ადამიანებისათვის.“

ერთი მუჭა ერი ვართ და ჩვენში ადვილი აღარ უნდა დარჩეს სიძულვილისათვის, თუკი ერთმანეთს ვერ გაუგებთ, სხვა როგორ გვენობა, უნდა დავძლიოთ, დავამარცხოთ სიძულვილი, გაუტანლობა, ბოლოს და ბოლოს დავდგეთ „საერთო ნიადაგზე“, როგორც ამას თავის დროზე ილია ჭავჭავაძე და არჩილ ჯორჯაძე გვთავაზობდნენ“.

შეუძლებელია და ყველაფერს ვერც დანერ წიგნის ირგვლივ ერთ საგაზეთო სტატიაში. იგი ხელში უნდა აიღო და წაიკითხო. დარწმუნებული ვართ, მსუბუქი იუმორით შეზავებული, ნიჭიერი ავტორის მოგონებები ბევრ სიამოვნებას განგაცდევინებთ.

# გაზაფხული, დედის დღე და 8 მარტი ერთად მოგვილოცია!

## ისტორია გვანვედნს ხმას

ნავიკითხავს და გავვიგონია, რომ 8 მარტის თავგადასავალი 1857 წლიდან იწყება. ნიუ-იორკში ცარიელი ქვაბების „ბრაზუნით“ გამოუხატავთ ქალებს პროტესტი თავიანთი უფლებების დასაცავად... ჰოდა, შორსმჭვრეტელმა კლარა ცეტკინმა (თუ ცეტკინამ) პირადი პირისათვის მთელ მსოფლიოს მიანვდინა ხმა—ქალებს, გინდათ თუ არა, თავისი დღე 8 მარტი უნდა ჰქონდეთო. კაცები უსიტყვოდ დათანხმებთან.

365-დან ერთი დღე—ქალებს! რა სალაპარაკოაო. 364 ხომ რჩება ჩვენს „განკარგულებად“...

მაგრამ, ჩვენი გაზეთის ბევრმა მკითხველმა არ იცის, რომ 1912 წლიდან ამ დღეს ოთხი ევროპული ქვეყანა 12 მარტს აღნიშნავდა; შვიდი ქვეყანა—9 მარტს; რუსეთი და საფრანგეთი—2 მარტს.

დღესდღეობით თურმე მხოლოდ 29 ქვეყანაში აღნიშნავენ ქალები თავიანთ დღესასწაულს.

კიდევ ერთი „გაუგონარი“ ამბავი: ჩინეთში და მადაგასკარში 8 მარტი მხოლოდ ქალებისთვის ყოფილა უქმე. მამაკაცები კი ამ დღეს თურმე ჩვეულებრივად ღვრიან ოფლს...

3 მარტის ამბავი ყველას მოგვეხსენება. საქართველოში ეს მხოლოდ ჩვენი დედების მოფერების დღეა. ალალია მათზე (ამ ერთ დღეს მაინც თუ ისვენებენ?)...



### სიმღერის ტექსტი სარვამარტო ზეიმისთვის

ჩემთვის უცნობ ქალს, დაგადევნებ თვალს,

შენთან გამოვატან ქარს, ჩემი გულის თქმას, სიყვარულის ხმას...

ადრე გაზაფხულზე მომისწარი სულზე... შენთვის ყოფილიყოს შენთვის ყოფილიყოს სულ მზე...

ჩემთვის უცნობ ქალს, განვდენ გულის თქმას შენთვის ავაჟღერებ ქნარს,

ვინც რა უნდა დამძრახოს, ვინც რა უნდა თქვას, წინ გადავიდებო და არ გაგატან ქმარს.

სადაც უნდა მიდიოდე დაგადევნებ თვალს ჩემთვის უცნობ ქალს ჩემთვის უცნობ ქალს...

ტექსტის ავტორი ნუზხარ გამყრელიძე

საქართველოს კათოლიკოს-პატრიარქმა, უწმინდესმა და უნეტარესმა ილია მეორემ არაერთხელ მოუწოდა შვილებს, რომ განსაკუთრებით მოპყრობოდნენ დედის კურთხევას და ურჩია მათ—შინიდან წასვლის წინ დედას ხელზე მთხვეოდნენ, რადგან უფლისმიერი მადლი დედიდან შვილზე სწორედ ამ გზით გადადის.

დედის სახით კი შვილებს უფალმა ამქვეყნიურ ცხოვრებაში საიმედო დამცველი დაუდგინა.

### მზია და მზიას წინდები...

ხელით ქსოვის ხელგანაფულ ოსტატს, მზია კუპატაძეს ჩვენი ქალაქის მცხოვრებნი კარგად იცნობენ. ყოველი ზამთრის მოახლოებისას, დამარაგებენ ხოლმე მის მოქსოვილ წინდებს თუ დიდ-პატარა ბაჩუჩებს მაღალყელიანს და დაბალყელიანს, თავის უზორობითა და ფერად-ფერადი ზოლებით ჩანსულ-ჩაქსოვილ-ჩასირიმული სამშვენიესებით მორთულ-მოკოკოროჭინებულს...



მართლაც, თვალი ზედ დაგრჩებათ. შუბლი გავეხსნებათ... ფასს არც იკითხავთ—რამდენი გადაგიხადოთო და საფულისკენ წაიღებთ ხელს... ასეა ყოველთვის. სასურსათო მარკეტისა და პსპ აფთიაქის წინ „ამოჩემებულ“ ადგილზე გამოფენს ხომე თავის ნაოსტატარს. იქვე ჩამოუჯდება მოხერხებულად და... ქსოვს, ქსოოვს...

უკაცრავად და დიდ სავაჭრო ცენტრებში შექენილ ჭრელა-ჭრულა ვერცხლისა და ოქროსფერი ეტიკეტებით ფასდამძიმებულ ნაწარმს კი არ გავს, ერთ-ორი გარეცხვის შემდეგ საპნის ქაფს რომ გააყოლებს თავის ზიზილ-პიპილოს. მზიას „ფირმის“ ნახელავს რაც ხშირად გარეცხავთ, მით მეტი ლბილი და თბილი ხდება.

ყური ხშირად მომიკრავს: მზიას წინდები წნევას არეგულირებსო, რევმატიზმს არჩენსო, გრიპი აღარ შეგხვდებათო, ესაო, ისაო... იყიდეთ და დარწმუნდით ეს მითია თუ სინამდვილე, თბილი და გამძლეც რომ არის, ამაში კი ყველა დაგვეთანხმები.

მათი სახელით, ვისაც მზიას მონაქსოვი წინდები გვაცვია—ულოცავთ მას მარტის დღესასწაულს. სიკეთე ჰქონოდეს და მის ნაქსოვს თვალი არასდროს წასვლოდეს...

### რჩევები ახალგაზრდა დიასახლისებს

—ხორცი კარგად რომ გალღვება, შემდეგ დაიწყეთ მისი სადილისთვის მომზადება;

—ხორცი დარბილდება თუ ლიმონის წვენიტ დანამავთ და ცოტა ხანს გააჩერებთ;

—ღვიძლს ადვილად მოშორდება აპკი, თუ ერთი წუთით ცხელ წყალში ჩადებთ;

—სოსისი ხარშვისას არ გასკდება, თუ ხარშვამდე ჩანგლიტ დანახვლებთ;

—ზოგ ძეხვს კანი ძნელად ძვრება, ამიტომ ერთი წუთით ცივ წყალში უნდა მოათავსოთ;

—თუ თევზი წყალში ჩაიძირა—ახალია;

—თევზს ქერცლი ადვილად რომ მოაშროთ—რამდენიმე წუთით ჩაუშვით მღულარე წყალში, შემდეგ კი—ცივში.

—ლიმონიდან მეტი წვენი რომ გაილოთ, გამოწურვამდე 5-7 წუთით მოათავსეთ ცხელ წყალში.

თუ ჩვენი გაზეთის რჩევებს გაითვალისწინებთ—ჩუმ-ჩუმად მოყურადე დედამთილისა და მულებს „ბნეკნებისგან“ დროებით მაინც დაიზღვევთ თავს.

### თითქოს არაფერი, მაგრამ...

არ შეიძლება ერთად მიირთვათ ხორცი და ყველი. მორიდეთ ხაჭაპურის და ტკბილეულის გაზიან სასმელებთან ერთად მიღებას.

კარტოფილი და ხორცი ერთად არ უნდა მიირთვათ.

არ მიაყოლოთ პური სუპს და ბულიონს.

არ შეიძლება ხაჭაპურისა და მწვადის ერთდროულად მიღება.

ჭამის შემდეგ არ უნდა მიიღოთ ხილი.

### კროსვორდი

#### გილოცავთ 3 და 8 მარტს

1. ბიჭი კი, არა... 2. დედა... 3. სალამო კი არა... 4. ქართული სიმღერა. 5. მანათობელი მწერი. 6. ვერდის ოპერა. 7. ერთ-ერთი ციური სხეული. 8. ქალები წინათ რითი რთავდნენ მატყლს? 9. პოეტები რას უძღვნიან სატროფოს? 10. გაზაფხულის პირველი თვე. 11. ქალის ყურსაკიდი სამკაული. 12. ერთ-ერთი პლანეტა. 13. ლუარსაბის მუღღლე. 14. ქართული ისტორიული ძეგლი. 15. სოფელი თერჯოლის მუნიციპალიტეტში. 16. ეთერის სატროფო. 17. გალაკტიონ ტაბიძის მუზა. 18. წმინდა... 19. ოთარანთ... 20. ვაჩუქეთ ერთმანეთს... 21. ქარი...

			1	გ					
			2		ი				
			3		ლ				
4					ო				
			5		ც				
			6		ა				
				7	3				
			8		თ				
			9		ს				
			10		ა				
			11		მ				
			12		დ				
			13		ა				
			14		რ				
				15	3				
16					ა				
				17	მ				
				18	ა				
			19		რ				
			20		ტ				
			21		ს				

წინა ნომერში გამოქვეყნებული კროსვორდის პასუხები: 1. გარეჯი. 2. სააკაძე. 3. სამაჩაბლო. 4. დიდგორი. 5. ორბელიანი. 6. უფლისციხე. 7. ჩიხორი. 8. მცხეთა. 9. აღმაშენებელი. 10. პერეთი. 11. მამული. 12. საინგილო. 13. წარსულისაგან. 14. არწივი. 15. სოფრომაძე (ტრისტანი). 16. არაგველები. 17. მინა. 18. მარტავა. 19. ომი. 20. იბერია. 21. წყნეთელი. 22. ჭოროხი.

გვერდი მოამზადა ნ. გამყრელიძემ

### მურთაზი ნიკოლაძე

პირველ მარტს 4 წელი გავიდა შენი გარდაცვალებიდან. ყველას გული დაგვწყვიტე—ოჯახს, მეზობლებს, ნათესავებს, მეგობრებს, შენს ალსაზრდელებსა და ალზრდილებს, რომლებსაც ასწავლიდი ნახშირღელესა და ენრის საჯარო სკოლებში.



შენი გარდაცვალებისა და დაბადების დღეს ჩვენი დიდი ოჯახი—დე-

და, დედამამიშვილები, მეუღლე, შვილები და შვილიშვილები ერთად მოვიდევართ საფლავზე, ვიხსენებთ ჩვენი ოჯახის ცხოვრების ლამაზ დღეებს, რომლებიც შენთან ერთად გავვიტარებთ. გვეგოდეს, რომ შენი მეუღლე, შვილები, რძლები და შვილიშვილები ყველაფერს გააკეთებენ ჩვენი გაძლიერებისათვის, არ დაივიწყებენ შენ სახელს, შენ მიერ ლამაზად გავლილი ცხოვრების გზას, რომელიც ყველასაგან მოულოდნელად, 54 წლის ასაკში შეწყდა.

ნათელში ამყოფოს უფალმა შენი სული!

ოჯახი

თერჯოლის №3 საბავშვო ბაგა-ბაღის თანამშრომლები სამძიმარს უცხადებენ ნელიკო და თემურ კირკიტაძეებს დედამთილისა და დედის

დალი ცერცვაძის

გარდაცვალების გამო.

თერჯოლის №3 საბავშვო ბაგა-ბაღის თანამშრომლები სამძიმარს უცხადებენ მადონა და რამინ ქასრაშვილებს მამამთილისა და მამის

გრიშა ქასრაშვილის

გარდაცვალების გამო.

# გაზაფხული, დედის დღე და 8 მარტი ერთად მოგვილოცია!

## დედის დღე—სად, როგორ აღნიშნავენ...

დედის დღეს მსოფლიოს სხვადასხვა ქვეყნებში განსხვავებულად აღნიშნავენ. ასევე განსხვავებულია მისი დაწესების ისტორიაც. საქართველოში დედის დღე 3 მარტია. იგი ქვეყნის პირველი პრეზიდენტის ზვიად გამსახურდიას თაოსნობით დაწესდა. დედის დღეს საქართველოში ქალთა სა-

ერთაშორისო დღე – 8 მარტი უნდა ჩაენაცვლებინა, თუმცა ის მაინც ცალკე აღინიშნება და როგორც 3 მარტი, ოფიციალურად უქმე დღეა. დედის დღე ქვეყანაში სხვადასხვა ღონისძიებებით აღინიშნება. ტრადიციულად შვილები დედებს ყვავილებს, ღია ბარათებს ან სიმბოლურ საჩუქრებს ჩუქნიან.

„დედის დღის“ სამშობლოდ ამერიკის შეერთებული შტატებია მიჩნეული. ამ დღის აღნიშვნის პირველი მცდელობა 1902 წელს იყო. აქტივისტმა ქალმა, ჯულია უორდმა გამოთქვა სურვილი, ყოფილიყო ისეთი დღესასწაული, რომელიც გააერთიანებდა ყველა დედას მშვიდობისთვის ბრძოლაში. მან საამისოდ არაერთი აქცია მოაწყო, მაგრამ ამოდ. მხოლოდ მოგვიანებით, 1907 წელს, მოქალაქე ანა ჯავისმა, რომელიც ითვლება ამ დღის ერთ-ერთ ფუძემდებლად, დაიწყო ოფიციალური წერილების მიწერა ჩინოვნიკებისთვის, რომ აუცილებელი იყო დედის დღის დაწესება. მისი მცდელობები წარმატებით 1910 წელს დასრულდა და ვირჯინიის შტატში ოფიციალურად პირველად აღნიშნეს დედის დღე. ოთხ წელიწადში კი ის უკვე ოფიციალურად მიიღეს და მას მერე, დღესასწაულს აღნიშნავენ ყოველი წლის მაისის მეორე კვირა დღეს. დედის დღეს ამერიკაში დიდი ენთუზიაზმით ხვდებიან. ადამიანები განსაკუთრებით აფასებენ და ხაზს უსვამენ მათ ცხოვრებაში დედის აუცილებლობას და მადლობას უხდებიან მათ უანგარო, უპირობო სიყვარულისა და მხარდაჭერისთვის. ეს დღე შობისა და ვალენტინობის შემდეგ, ყველაზე დიდ დღესასწაულად ითვლება. ამ დროს სატელეფონო ხაზები გადატვირთულია, საბარათე გაყიდვები პიკს აღწევს და რესტორნები სრული დატვირთვით მუშაობენ. დედის დღის ტრადიციები ძირითადად მოიცავს საუზმის მირთმევას სანოლში, ყვავი-

სააღდგომო მარხვის მეოთხე კვირას, გამომდინარე აქედან, მისი თარიღი მუდმივად ცვალებადია. მას მე-17 საუკუნიდან აღნიშნავენ და დედის კვირულს უწოდებენ. ინგლისიც ფაქტიურად ერთ-ერთი პირ-



ველი ქვეყანა იყო, რომელმაც გამოყო წელიწადში ერთი დღე დედის დღის აღსანიშნავად. ბრიტანეთში შემორჩენილია ტრადიცია, რომლის მიხედვითაც დედებისთვის ნუშის ნამცხვარს ამზადებენ და მას „mothering cake“ (დედის ნამცხვარს) უწოდებენ. იაპონიაში დედის დღის დაწესებას პირველად 1931 წელს შეეცადნენ. მაშინ იყო სურვილი, რომ ეს დღე დამთხვეოდა იმპერატორის იუბილუს. ტრადიცია არ გაგრძელდა. ახლა იაპონიაში, ისევე როგორც სხვა ქვეყნების დიდ ნაწილში, დედებს ყვავილებს ჩუქნიან მაისის თვის პირველ კვირა დღეს. გერმანიაში ამ დღესასწაულს საფუძველი 1923 წელს ჩაეყარა, ხოლო როგორც სახელმწიფო დღესასწაული, აღინიშნება 1933 წლიდან. მას

დედის დღეს წელიწადში ერთხელ, მაისის მეორე კვირას, ზეიმობენ.

საფრანგეთში დედის დღეს მაისის ბოლო კვირა დღეს აღნიშნავენ. ტრადიციულად, ამ დღეს ოჯახში იმართება ოჯა-

ხური სადილი, ხოლო დედები საჩუქრად ყვავილების თაიგულის ფორმის ნამცხვარს იღებენ. დედის განსაკუთრებული როლის შესახებ საუბარი და პატივისცემა საფრანგეთში ჯერ კიდევ ნაპოლეონ ბონაპარტის ეპოქიდან მოდის, ხოლო 1950 წლიდან დედის დღე- La Fete de Meres ოფიციალურად დაწესდა.

ავსტრალიაში დედის დღე ამერიკის მსგავსად მაისის მეორე კვირა დღეს აღინიშნება, ტრადიციებითაც ეს ორი ქვეყანა ერთმანეთის მსგავსად აღნიშნავენ ამ დღეს. არსებობს დედის დღის მილოცვის ტრადიცია მიხაკებით (ისევე როგორც აშშ-ში). დედებს დღესასწაულს ფერადი მიხაკებით ულოცავენ, თეთრი მიხაკები კი გარდაცვლილი დედებისთვის პატივის მისაგებად გამოიყენება. გარდა



ლების თაიგულს, ღია ბარათებს ან საჩუქარს და ვახშამზე დაპატივებს. დიდ ბრიტანეთში დედის დღის ტრადიციას დიდი ისტორია აქვს და ის აღინიშნება

საფუძველი ფლორისტების გაერთიანებამ ჩაუყარა. მისი მიზანი იყო, პატივი ეცათ პირველი მსოფლიო ომის მონაწილე დედებისთვის. გერმანელები ე.წ. „Muttertag-ს“,

საკუთარი დედებისა, ბავშვები პატივს სცემენ მათ ბებიებსა და სხვა ქალბატონებსაც, რომლებიც მათ დედებივით უვლიან და ზრუნავენ მათზე. კანადაშიც, ისევე როგორც

სხვა ქვეყნების დიდ ნაწილში, დედის დღის მისალოცად ყველაზე ხშირად ღია ბარათებს, ყვავილებს და საჩუქრებს იყენებენ. იგი შობისა და ვალენტინობის შემდეგ სიდიდით მესამე დღესასწაულად მიიჩნევა. აღინიშნება მაისში ამერიკის და ავსტრალიის მსგავსად და ატარებს ძალიან დიდ ემოციურ დატვირთვას საზოგადოებაში. ასევე მაისში ბრაზილიაში ყოველწლიურად აღინიშნება დედათა დღე- Dia das Mães. ბრაზილიაში ოჯახების დიდ ნაწილში სამზე მეტი ბავშვია, ამიტომაც მარტივი წარმოსადგენია, როგორ მასშტაბურად და ემოციურად აღინიშნება ეს დღე. ტრადიციულად ამ დღესასწაულზე ოჯახის წევრები ერთად იკრიბებიან, სკოლებში კი საგანგებოდ ამ დღისადმი მიძღვნილი ღონისძიებები იმართება.

„ია-ია დაგიკრიფე, ლურჯთვალა და კოპნია. დედის დღე და გაზაფხული ერთად მომილოცია“...

ნუნუ კერესელიძის ეს საბავშვო ლექსი შთამბეჭდავად გადმოსცემს და გამოხატავს საქართველოში დედისა და მისი დღის აღნიშვნისადმი ჩვენს ისტორიულ დამოკიდებულებასა და ერთგვარ ეთნოფსიქოლოგიას. ფაქტია, საქართველო ამ დღეს, გამოზამთრების შემდგომ, სიცოცხლის განახლების პერიოდის – გაზაფხულის მესამე, გარკვეულწილად სიმბოლურ დღეს აღნიშნავს, ულოცავს და უძღვინს ყველას და უპირველესად, საქართველოში

## სარუქარი

ანზორ აბულაშვილი

ეს გაზაფხულიც მოვიდა და შემოგვცინა მარტმა, მეცა მყავს დედა ლამაზი, მეცა მაქვს ერთი ნატვრა. რვა მარტს საჩუქრის გარეშე რალა ფასი აქვს, აბა? ზოგი თუ ყვავილს დაეძებს, ზოგი ყიდულობს კაბას. მე კი სხვას ვნატრობ ამ დილას, სხვა საჩუქარი მინდა, რადგან ერთი დედისთვის - კარგიც, ლამაზიც, წმინდაც ვიყო, როგორც დედას სურს, ჩემი იმედი ჰქონდეს! სხვა საჩუქარი რა არის, ამ საჩუქარს რომ სჯობდეს!



## დედა

მარიამ ნიკლაური

თუ გინდა, რომ არასოდეს არ დაბერდეს დედა, გაუღიმე, მიეფერე, როცა დაღლილს ხედავ, დედის გული შენზე ფიქრით, ლოცვითაა სავსე. თუ რაიმე გაგიჭირდა, დედას უხმობ ნამსვე. უღალატო, უანგარო, გიერთგულეებს მარად, თითქოს ყოფნას გიმსუბუქებს, გაფრენს ჩიტის დარად. ქვეყნად დედის გულის მსგავსი ვერაფერი ნახო, მხოლოდ კარგი იყავი რომ, მადლი დაუფასო. თუ გინდა, რომ არასოდეს არ დაბერდეს დედა, გაუღიმე, მიეფერე, როცა დაღლილს ხედავ.

„თარჯოლა“

<p><b>შპს „თარჯოლა“</b>  გამომცემელი: <b>ვალერიან ბოზიაშვილი</b>  599 92 49 75  სარედაქციო კოლეგია  რეგისტრაციის №53/5/ზ-22</p>	<p>კორესპოდენტები:  ნ. გამყრელიძე—555 78 08 55  ი. მარუაშვილი—0(491) 22 15 16  ჟ. ცხადაძე—558 90 82 55  მ. ცქიფურიძე—555 28 11 41  ელ-ფოსტა: <a href="mailto:gazetiterjola@mail.ru">gazetiterjola@mail.ru</a></p>	<p>აიწყო და დაკაბადონდა რედაქციის კომპიუტერულ ცენტრში  <b>მისამართი:</b>  თურჯოლა, კოსტავას ქუჩა №2  დაიბეჭდა ქუთაისის შპს „სომელი ენ“-ის სტამბაში ქუთაისი, ჭავჭავაძის გამზ. №33</p>	<p>ჩვენი რეკვიზიტები:  „ლიბერთი ბანკი“  LBRTGE22,  ანგარიში  GE32LB0113133960124000  ს/კ 231948872</p>
---	---	--	--